

有不善貪恚邪見非業非作用惟與即彼俱
 生品思為因為道為跡為路離斷生命是業
 是作用與能發起離斷生命思為因為道為
 跡為路廣說乃至離雜穢語是業是作用與
 能發起離雜穢語思為因為道為跡為路所
 有無貪無瞋正見非業非作用惟與即彼俱
 生品思為因為道為跡為路由此證知彼義
 應尔

說一切有部發智大毗婆沙論卷第一百二十三 匪三
 剥必角伺察上相逼彼力矯居小憤發上房
 掉徒弟叱吒上昌吉反俳優上音跳躍上音
 音劫掠下音捺落上反中天下於窳堵蘇上
 音觀下馱都上唐鄔波上反顧盼下音勤策上
 下楚摩揭下居栗蓮上反亂評論上音沙磧下音鈍
 徒田霜雹下蒲弊反鄙惡上碑沙磧下音稊稗上音
 少上息澀下音稻米上音飢饉下音稊稗上音
 十九末

帝下蒲 拒短匱乏上求
 責反 阿毗婆沙論卷第一百二十三 匪三

阿毗達磨大毗婆沙論卷第一百二十四 匪四

五百大阿羅漢等造 三藏法師玄奘奉 詔譯

業蘊第四中惡行納息第一之三

三業謂身語意業四業謂黑黑異熟業白白
 異熟業黑白黑白異熟業非黑非白無異熟
 業能盡諸業為三攝四四攝三耶問何故作

此論答為欲分別契經義故如契經說三業
 四業契經雖作是說而未廣辯亦未曾說為
 三攝四為四攝三乃至廣說復有說者前雖
 分別三業而未分別四業今欲分別故作斯
 論此中云何黑黑異熟業謂不善業能感險
 惡趣異熟問異熟不應名黑所以者何如品

類足說云何黑法謂不善法及有覆無記法云何白法謂善法及無覆無記法謂異熟果無覆無記何故名黑答此中但應說云何黑業謂不善業能感險惡趣不應更說黑異熟言應如是說而不尔者有何意趣謂如是說已成立黑是因非果如說賊見此所出言罵父非子此中亦尔復有說者此中依止不可意黑故作是說黑有二種一染汚黑二不可意黑此中業由二黑故說名為黑異熟但由不可意黑故亦名黑問黑業亦感人天中異熟何故但說感惡趣異熟耶答亦應說而不說者當知此義有餘復有說者彼不決定謂人天中若處有黑業異熟此處必有白業異熟無處惟有黑業異熟無白業異熟者諸惡趣中若處有白業異熟此處必有黑業異熟有處惟有黑業異熟無白業異熟者由惡趣中有決定黑異熟處是故偏說集異門論復作是說云何黑異熟業謂不善業感那

落迦趣問諸不善業亦感傍生鬼趣異熟何故惟說感那落迦不說餘耶答應說而不說者當知此義有餘復有說者彼不決定謂傍生鬼趣亦受不善業異熟亦受善業異熟那落迦趣決定惟受不善業異熟是故偏說復有說者世尊經中以重惡業怖諸有情為順彼經是故但說感那落迦諸不善業名黑黑異熟業為顯此義應引彼經有二外道一名布刺拏憍維迦受持牛戒二名頽制羅栖你迦受持狗戒此二外道於一時間同集會坐作如是言世間所有難行禁戒我等二人修學已滿誰能如實記別我等所感異熟聞釋

匪四

二

迦種生一太子顏兒端正以三十二大丈夫相八十隨好莊嚴其身觀無厭足身真金色常光一尋言音清亮和雅悅意過妙音鳥羯羅頻迦智見無礙辯才無滯厭捨家法出趣非家勤修苦行復還厭離修處中行證得無上正等菩提具一切智如實證見諸法性相

斷一切疑網施一切決定究達一切問論原
底我等二人今應往問若得記別我等禁戒
所感異熟則當依學豈不快哉於是二人來
至佛所種種愛語相慰問已退坐一面時布
刺拏先為他問而白佛言此栖你迦受持狗
戒修學已滿當何所趣當何所生世尊告曰

汝布刺拏止不須問勿因此事汝等皆當不
忍不信心懷耻恨如是至三彼猶殷勤請問
不止佛以慈愍告言諦聽吾當為汝如實記
別受持狗戒若無缺犯當生狗中若有缺犯
當墮地獄時布刺拏聞佛語已心懷憂怖悲
泣哽咽不能自勝世尊告曰吾先豈不數告

汝言止不須問勿因此事汝等皆當不忍不
信心懷耻恨今果如是時布刺拏便自抑止
而白佛言不以世尊記栖你迦當生狗趣故
我悲泣然我長夜受持牛戒修學已滿恐亦
當尔所以憂怖惟願大慈為我宣說受持牛
戒當何所趣當何所生世尊告曰受持牛戒

匪四

三

若無缺犯當生牛中若有缺犯當墮地獄如
是等事如經廣說問云何受持狗戒牛戒名
無缺犯若持狗戒一如狗法名無缺犯若
持牛戒一如牛法名無缺犯若不尔者名有
缺犯是故世尊以重惡業怖諸有情故說能
感那落迦趣諸不善業為順彼經故集異門

作如是說感那落迦諸不善業名黑黑異熟
業復有說者見道所斷諸不善業名黑黑異
熟業自種類中無白雜故如是說者一切不
善業皆名黑黑異熟業由欲界中不善強盛
不為善法之所陵雜以不善法能伏能斷自
地善故善業羸劣而為不善之所陵雜以欲

界善不能斷不善故
云何白白異熟業謂色界繫善業問無色界
繫善業亦感白異熟何故惟說色界繫善業
名白白異熟業不說無色界繫善業耶答應
說而不說者當知此義有餘復有說者若說
色界繫善業名白白異熟業當知已說無色

界繫善業亦是彼業同是定地修地法故若說此當知亦說彼復有說者若諸善業能感二種異熟果謂中有生有此善業名白白異熟業無色界業惟感生有不感中有是故不說如中有生有如是起受生受起異熟生異熟起果生果細果鹿果應知亦亦復有說者

若業能感二種異熟謂色非色此諸善業名白白異熟業無色界業惟感非色不感於色是故不說復有說者若具二業能感異熟謂色非色此中善業名白白異熟業無色界惟有非色業無有色業是故不說如色非色如是相應不相應有所依無所依有行相無行

相有所緣無所緣有作意無作意二種業應知亦亦復有說者若具三業能感異熟謂身語意此淨善業名白白異熟業無色界中惟有意業能感異熟是故不說復有說者若具以五蘊能感異熟此淨善業名白白異熟業無色界中惟有四蘊能感異熟是故不說復

匪四

四

有說者若有具足十善業道能感異熟此淨善業名白白異熟業無色界中惟有三善業道能感異熟是故不說復有說者若此界中有二鮮淨有二明白一因二果此界善業名白白異熟業無色界中有一鮮淨明白謂因是故不說由如是等種種因緣惟色界繫善

業名白白異熟業非無色界繫善業云何黑白黑白異熟業謂欲界繫善業能感人天趣異熟業問無有一業亦黑亦白何故名黑白黑白異熟業耶答為欲顯示一依止中一相續中受二種業所感異熟一黑二白是故說名黑白黑白異熟業問諸惡趣中亦受黑白

二業異熟何故惟說能感人天趣異熟業名黑白黑白異熟業不說能感惡趣異熟業耶答應說而不說者當知此義有餘復有說者若說能感人天善業名黑白黑白異熟業當知已說能感惡趣善業亦是彼業以雜雜相無差別故若說此當知已說彼復有說者彼

不決定是故不說謂在欲界人天趣中無有一處而不雜受黑白業異熟者諸惡趣中雖有雜受黑白業異熟處而更有處一向純受黑業異熟謂一分傍生鬼及一切地獄由惡趣中有不決定是故不說復有說者欲界繫修所斷善不善業名黑白異熟業一種

匪四

五

類中二業雜故復有說者若善不善業能感欲界人天傍生鬼趣異熟名黑白異熟業於一趣中雜受二業異熟故如是說者欲界一切善業名黑白異熟業以彼善業體雖是白而為不善黑所凌雜以不善能斷自地善故不善不亦不為自地善所凌雜自

地善不能斷自地不善故由此欲界善業名第三業

云何非黑非白無異熟業能盡諸業謂能永斷諸業學思問諸無漏業是勝義白何故乃名非黑非白答集異門論施設論皆說此業不同不善染污黑及感不可意異熟黑故說

非黑又亦不同善有漏白及感可意異熟白故說非白復有說者此依果白故說非白白有二種一因白二果白善有漏業具二白故名白諸無漏業雖有因白而無果白故不名白復有說者依異熟白故名非白白有二種一自體白二異熟白善有漏業具二白故名

白無漏業惟有自體白無異熟白故不名白復有說者此無漏業能斷世間所愛異熟非世所愛無有白相故不名白以是義故名非黑白此無漏業非如前三感異熟果是故說名無異熟業此無漏業令前三業畢竟滅盡等盡遍盡永斷永害棄捨變吐離欲寂滅是故說名能盡諸業如是則說十七學思謂見道中四法智忍相應學思離欲界染八無間道相應學思此十二思能盡黑黑異熟業離欲界染第九無間道相應學思能盡黑黑異熟業及黑白黑白異熟業離初靜慮染第九無間道相應學思乃至離第四靜慮染第九

無間道相應學思能盡白白異熟業如是十
 七無漏思說名能斷諸業學思復有說者一
 切無間道無漏思皆名能斷諸業學思以一
 切無間道皆能斷諸業故復有說者一切學
 思皆名能斷諸業學思以諸學思皆能對治
 有漏業故如是說者謂初說惟十七無漏思

匪四

六

正能對治前三業故問諸無漏慧相應俱有
 皆能正斷前三種業何故惟說無漏學思若
 思能發動諸法令斷是故偏說復有說者雖
 皆能斷此中辯業故惟說思問若亦應說
 隨轉身語業何故惟說思耶若由此學思與
 無漏慧相應而轉同一所緣同一行相同一

所依相助有力能斷諸業非身語業得有是
 事是故不說

已說三業四業自性今當顯示雜無雜相三
 業四業為三攝四四攝三取若三攝四非四
 攝三不攝者何謂除能斷諸業學思餘無漏
 業無色界繫善業一切無記業此中除能斷

諸業學思餘無漏業者諸說十七無漏思為
 第四業者彼說除十七思餘無漏加行無間
 解脫勝進道相應思及學隨轉業并一切無
 學業是名餘無漏業諸說一切無間道相應
 學思為第四業者彼說除一切無間道餘無
 漏加行解脫勝進道相應學思及學隨轉業

并一切無學業是名餘無漏業諸說一切學
 思為第四業者彼說學隨轉業一切無學業
 是名餘無漏業如是說者謂初說除無色界
 繫善業者謂無彼界繫一切善業除無記業
 者謂三界繫諸無記業由此道理三業具攝
 學無學非學非無學業四業惟攝學非學非

匪四

七

無學業三業具攝欲界色界無色界繫業四
 業惟攝欲色界繫業三業具攝善不善無記
 業四業惟攝善不善業三業具攝見所斷修
 所斷無斷業四業惟攝三種一分三業具攝
 有漏無漏業染污不染汚業有異熟無異熟
 業相應不相應業有隨轉無隨轉業表無表

業四業惟攝諸二業少分如是等門皆應廣說。是故說言三攝四非四攝三不攝者何謂除能斷諸業學思餘無漏業無色界繫善業一切無記業三業謂身語意業復有三業謂順現法受業順次生受業順後次受業問何故作此論答爲欲分別契經義故如契經說

順現法受等三業而不廣辯廣說如前後復有說者前雖分別身等三業而未分別順現法受等三業今欲分別故作斯論

云何順現法受業謂若業此生造作增長即於此生受異熟果是名順現法受業問若業此時造作增長即於此時受異熟果耶答不亦所以者何諸善惡業要待相續或度相續方受異熟謂若此業造作增長或即於此一相續中或即於此一時分中或即於此一衆同分中受異熟果如是名爲順現法受業必無有業此利那造即此及次利那熟義由異類故親引發故此中所有世所現見順現法

受業者曾聞有採樵者入山遇雪迷失途路時會日暮雪深寒凍將死不久即前入一蒙密林中乃見一羆先在林內形色青紺眼如雙炬其人惶恐分當失命此實菩薩現受羆身見其憂恐尋慰喻言汝今勿怖父母於子或有異心吾今於汝終無惡意即前捧取將

入窟中溫暖其身令蘇息已取諸根果勸隨所食恐冷不消抱持而卧如是恩養經於六日至第七日天晴路現人有歸心羆既知已復取甘果飽而餞之送至林外殷勤告別人跪謝曰何以報恩羆言我今不須餘報但如此日我護汝身汝於我命亦願如是其人敬

匪山

諾擔樵下山逢二獵師問言山中見何虫獸樵人答言我亦不見餘獸惟見一羆獵師求請能相示不樵人答曰若能與我三分之二吾當示汝獵師依許相與俱行竟害羆命分肉爲三樵人兩手欲取羆肉惡業力故雙臂俱落如珠縷斷如截藕根獵師荒忙驚問所

以樵人耻愧具述委曲是二獵師責樵人曰
他既於汝有此大恩汝今何忍行斯惡逆怪
哉汝身何不糜爛於是獵師共持其肉施僧
伽藍時僧上座得妙願智即時入定觀是何
肉即知是與一切衆生作利樂者大菩薩肉
尋時出定以此事白衆衆聞驚歎共取香薪
焚燒其肉收其餘骨起窠堵波禮拜供養如
是惡業要待相續或度相續方受其果復次
昔有屠販牛人驅牛涉路人多糧盡饑渴熱
乏息而議曰此等群牛終非已物宜割取舌
以濟饑虛即時以鹽塗諸牛口牛貪鹹味出
舌舐之即用利刀一時截取以火暗炙而共
食之食已相與臨水澡漱俱嚼楊枝揩齒既
了攀以刮舌惡業力故諸人舌根猶如爛果
一時俱落如是惡業要待相續或度相續方
受其果
復次聞昔有暴惡者令母執器自搆牛乳搆
便過量母止之言餘者可留以乳犢子其人

匪四

九

既聞忽生瞋忿以手搆乳散其母面隨著母
身乳滴多少惡業力故則令彼人身上還生
余所白癩如是惡業要待相續或度相續方
受其果是為略引順現法受三種惡業昔憍
薩羅國有王名勝軍生其一女具十八醜貧
賤者不與富貴者不求有長者子財位喪失
王聞遣使召至告言吾有小女少乏容色卿
若不耻厚俸珍財其人許之王聞歡喜多賜
財寶田宅僕使恣其所欲降嬪以禮密令歸
第其人慙耻出則閉鑰親知莫見有諸密友
責言何故不示我妻長者子言何遽之有衆
人怪其推延遂共立約却後七日各將室家
會某園林歡娛譙賞違者當罰金錢五百至
第七日皆如所約惟長者子不將婦來自恃
財富任罰多少其婦獨在家中自責自恨我
宿何罪受此惡身衆人皆樂惟我獨苦不如
早死一心念佛便欲自害佛知時至則於此
沒踊出其前女見如來深生悲喜發殷淨心

觀佛相好善業力故須更變身猶如天女倍增踊躍佛為說法遠塵離垢得預流果世尊既還彼女獨坐端正無比安隱快樂時彼朋類既見其人不將妻室便醉以酒竊其戶鑰共往其家遙見其婦端嚴無比如帝釋妃於是衆人深生讚仰因相謂曰比不示人誠由

於此即馳圍所共謝其夫并慶讚之其人慙被謂相譏弄及還見之深生疑怪問言聖女為是幻術為鬼魅耶我婦安在其妻具以上事答之於是其夫得未曾有歸依三寶如是善業要待相續或度相續方受其果

昔健馱羅國迦膩色迦王有一黃門恒監內事暫出城外見有群牛數盈五百來入城內問驅牛者此是何牛答言此牛將去其種於是黃門即自思忖我宿惡業受不男身今應以財救此牛難遂償其價悉令得脫善業力故令此黃門即復男身深生慶悅尋還城內佇立宮門附使啓王請入奉現王令喚入怪

匪四

十

問所由於是黃門具奏上事王聞驚喜厚賜珍財轉授高官令知外事如是善業要待相續或度相續方受其果

昔怛叉尸羅國有一女人至月光王捨千頭處禮無憂王所起靈廟見有狗糞在佛座前尋作是思此處清淨如何狗糞穢污其中以

手捧除香泥塗飾善業力故令此女人遍體生香如栴檀樹口中常出青蓮華香如是善業要待相續或度相續方受其果是為略引順現法受三種善業

云何順次生受業謂若業此生造作增長於第二生受異熟果是名順次生受業

云何順後次受業謂若業此生造作增長隨第三生或隨第四或復過此受異熟果是名順後次受業

問諸順現法受業定於現法受耶順生順後為問亦亦譬喻者說此不決定以一切業皆可轉故乃至無間業亦可令轉問若亦何故

說名順現法受業等耶彼作是說諸順現法受業不定於現法中受異熟果若受者定於現法非餘故名順現法受業順生順後所說亦亦彼說一切業皆可轉乃至無間業亦可轉若無間業不可轉者應無有能越第一有然有能越第一有者是故無間業亦應可轉

匪四十一

阿毗達磨諸論師言諸順現法受業決定於現法中受異熟果故名順現法受業順生順後所說亦亦是故若問何故名順現法受業乃至順後次受業應以此答

復有餘師說四種業謂順現法受業順次生受業順後次受業順不定受業諸順現法受業乃至順後次受業此業不可轉諸順不定受業此業可轉惟為轉此第四業故受持禁戒勤修梵行彼作是思願我由是當轉此業復有餘師說五種業謂順現法受業順次生受業順後次受業各惟一種順不定受業中復有二種一異熟決定二異熟不決定諸順

現法受業順次生受業順後次受業順不定受業中異熟決定業皆不可轉順不定受業中異熟不決定業此業可轉惟為轉此第五業故受持禁戒勤修梵行彼作是思願我由是當轉此業復有餘師說八種業謂順現法受業有二種一異熟決定二異熟不決定

順次生受業順後次受業順不定受業亦各有二一異熟決定二異熟不決定是謂八業於中諸異熟定業皆不可轉諸異熟不定業皆可轉為轉此故受持禁戒勤修梵行是故此中應作四句謂或有業時分決定異熟不定或有業異熟決定時分不定或有業時分決定異熟亦定或有業時分不定異熟亦不定云何業時分決定異熟不定謂順現法受業順次生受業順後次受業中異熟不定業云何業異熟決定時分不定謂順不定受業中異熟定業云何業時分決定異熟亦定謂順現法受業順次生受業順後次受業中異

熟定業云何業時分不定異熟亦不定謂順不定受業中異熟不定業如是名為八業四句問頗有一時一刹那頃能起三種業耶謂順現法受業順次生受業順後次受業答有謂先遣二使斷生命不與取後自行欲邪行以此自所究竟非由他故若有如是種類法

匪四

十二

生三業同時皆得究竟於中初業於現法中受異熟果第二業於無間生受異熟果第三業於隨第三生已後諸生受異熟果其餘業道自作教他差別亦尔

問此順現法受業等幾能引衆同分果幾能滿衆同分果或有說者二業能引衆同分果亦能滿衆同分果謂順次生受業順後次受業二能滿衆同分果不能引衆同分果謂順現法受業順不定受業復有說者三能引衆同分果亦能滿衆同分果謂除順現法受一能滿衆同分果不能引衆同分果謂順現法受復有欲令順現法受業亦能引衆同分果

若作是說此四種業一切皆能引衆同分果及滿衆同分果問如是諸業何者最勝或有說者順現法受業最勝所以者何近得果故復有說者順後次受業最勝所以者何一切善薩業最為勝而皆是順後次受故問順現法受業能近得果於諸業中可說為勝順後

次受業去果懸遠云何最勝耶答順現法受業雖近得果而果下劣不名最勝順後次受業雖去果遠而果殊勝難盡故名最勝如外種子有近得果而果下劣有去果遠而果最勝如有秋苗經三半月則便結果此果最近而最下劣如稻麥等經於六月其果乃熟去

匪四

十三

果次遠而次為勝如佉梨樹經五六年或十二年方結其果此果次勝如多羅樹經於百年方結其果此果最勝如外種子去果最近其果最劣去果次遠其果次勝去果最遠其果最勝種隨其果勝劣差別內業亦尔順現法受業去果最近而果最劣順次生受業去

果次遠而果次勝順後次受業去果最遠而果最勝業隨其果勝劣差別故順後次受業最勝非餘

問於何界中能造幾業有說欲界能造四種善不善業色無色界能造三種善業除順現法受所以者何於欲界中依佛菩薩聲聞獨

覺父母師長諸有德邊發起增上善惡業故此業速疾受異熟果色無色界無此勝緣是故於彼不能起此順現法受業問若亦品類足說當云何通如彼說言順現法受業順次生受業順後次受業一切隨眠之所隨增答於彼論中應作是說順現法受業欲界一切

隨眠之所隨增順次生受業順後次受業欲界一切隨眠色無色界遍行隨眠及修所斷隨眠之所隨增應作是說而不說者有何意趣當知彼文是摠略而說問若亦集異門說復云何通如彼說言順現法受業順次生受業順後次受業欲界一切隨眠色無色界遍

行隨眠及修所斷隨眠之所隨增答彼文應作是說順現法受業欲界一切隨眠之所隨增順次生受業順後次受業欲界一切隨眠色無色界遍行隨眠及修所斷隨眠之所隨增應作是說而不說者有何意趣當知彼中言勢所引故作是說如是說者色無色界亦

能引起順現法受業問前說欲界依佛菩薩等勝緣能起順現法受業上二界無此勝緣云何能起答彼處但以因力任持亦能引起順現法受業欲界亦有但由因力起此業者謂或有人開門大施供養賢聖而不能引順現法受業或復有人以一搏食施一傍生而

匪四

十四

能引起順現法受業如是等故知不必皆依勝緣而起此業然其要由因力任持方能引起是故往昔阿毗達磨迦濕彌羅諸大論師咸作是說若殷淨心持一把草施他牛食當知能引順現法受業

問於何趣中能造幾業答那落迦中能造四

種不善業三種善業除順現法受傍生餓鬼及三洲人欲界天中能造四種善不善業比拘盧洲能造四種善業三種不善業除順次生受色無色界天中能造多少如前已說問於何生中能造幾業答於四生中皆能造四種善不善業

問誰於何地能造幾業答若諸異生生在欲界未離欲界染能造欲界四種善不善業若已離欲界染未離初靜慮染若退法者彼能造欲界四種業能造初靜慮三種業除順現法受有說彼能造初靜慮二種業謂順後次受及不定受若不退法者彼能造欲界三種

善業除順次生受能造初靜慮三種業除順現法受若已離初靜慮染未離第二靜慮染若退法者彼能造欲界四種業能造初二靜慮三種業除順現法受有說彼能造第二靜慮二種業謂順後次受及不定受若不退法者彼能造欲界三種善業除順次生受能造

匪四

十五

初靜慮二種業謂順後次受及不定受能造第二靜慮三種業除順現法受廣說乃至若已離無所有處染若退法者彼能造欲界四種業能造四靜慮四無色三種業除順現法受有說彼能造非想非非想處二種業謂順後次受及不定受若不退法者彼能造欲界

三種善業除順次生受能造四靜慮三無色二種業謂順後次受及不定受能造非想非非想處三種業除順現法受如是已說異生生在欲界若諸異生生初靜慮未離初靜慮染彼能造初靜慮四種業若已離初靜慮染未離第二靜慮染彼能造初靜慮三種業除順次生受能造第二靜慮三種業除順現法受廣說乃至若已離無所有處染彼能造初靜慮三種業除順次生受能造三靜慮三無色二種業謂順後次受及不定受能造非想非非想處三種業除順現法受如說生初靜慮如是乃至生非想非非想處亦應廣說如

是已說諸地異生若諸聖者生在欲界未離
 欲界染彼能造欲界四種善不善業已離欲
 界染未離初靜慮染彼能造欲界二種業謂
 順現法受及不定受能造初靜慮三種業除
 順現法受已離初靜慮染未離第二靜慮染
 若退法者彼能造欲界二種業謂順現法受
 及不定受能造初二靜慮三種業除順現法
 受有說彼能造第二靜慮二種業謂順後次
 受及不定受若不退法者彼能造欲界二種
 善業謂順現法受及不定受能造初靜慮一
 種業謂不定能造第二靜慮三種業除順現
 法受乃至若已離無所有處染未離非想非
 非想處染若退法者彼能造欲界二種業謂
 順現法受及不定受能造四靜慮三種業除
 順現法受能造四無色三種業除順現法受
 此則摠說若別說者四無色中若造順次生
 受業則不造順後次受業若造順後次受業
 則不造順次生受業有說彼能造非想非非

匪四

十六

想處二種業謂順後次受及不定受若不退
 法者彼能造欲界二種善業謂順現法受及
 不定受能造四靜慮三無色一種業謂不定
 受能造非想非非想處二種業謂順次生受
 及不定受若已離非想非非想處染彼能造
 欲界二種業謂順現法受及不定受能造四
 靜慮四無色一種業謂不定受如是已說聖
 者生在欲界若諸聖者生初靜慮未離初靜
 慮染彼能造初靜慮三種業除順後次受若
 已離初靜慮染未離第二靜慮染彼能造初
 靜慮二種業謂順現法受及不定受能造第
 二靜慮三種業除順現法受若已離第二靜
 慮染未離第三靜慮染彼能造初靜慮二種
 業謂順現法受及不定受能造第二靜慮一
 種業謂不定受能造第三靜慮三種業除順
 現法受廣說乃至若已離無所有處染未離
 非想非非想處染彼能造初靜慮二種業謂
 順現法受及不定受能造三靜慮三無色一

種業謂不定受能造非想非非想處二種業
謂順次生受及不定受若已離非想非非想
處染彼能造初靜慮二種業謂順現法受及
不定受能造三靜慮四無色一種業謂不定
受如說聖者生初靜慮如是生第二第三第
四靜慮廣說亦亦除未離自地染彼能造自

匪四

十七

地四種業與前差別若諸聖者生空無邊處
未離空無邊處染彼能造空無邊處二種業
謂順現法受及不定受若已離空無邊處染
未離識無邊處染彼能造空無邊處二種業
謂順現法受及不定受能造識無邊處二種
業謂順次生受及不定受若已離識無邊處

染未離無所有處染彼能造空無邊處二種
業謂順現法受及不定受能造識無邊處一
種業謂不定受能造無所有處二種業謂順
次生受及不定受若已離無所有處染未離
非想非非想處染彼能造空無邊處二種業
謂順現法受及不定受能造識無邊處無所

有處一種業謂不定受能造非想非非想處
二種業謂順次生受及不定受若已離非想
非非想處染彼能造空無邊處二種業謂順
現法受及不定受能造三無色一種業謂不
定受如說聖者生空無邊處如是乃至生非
想非非想處廣說亦亦任欲界中有位能造

二十二種業謂中有位異熟定業及不定業
如是羯刺藍遏部曇閉口鍵南鉢羅奢佉初
生嬰孩童子少壯衰老位各有異熟定及不
定業是名二十二業任羯羅藍位能造二十
種業謂除中有業二如是乃至任衰老位能
造二業謂則老位定及不定業問若中有位

所造諸業至本有位受異熟者此業當言是
順現法受順次生受耶答此是順現法受業
非順次生受所以者何中有本有惣衆同分
無差別故

已說前後三業自性今當顯示雜無雜相為
前攝後後攝前耶答前攝後非後攝前不攝

者何謂不定業無記業無漏業此中前三通攝定不定業後三惟攝善不善業前三通攝善不善無記業後三惟攝善不善業前三通攝有漏無漏業後三惟攝有漏業如是廣說有無量門前後差別今簡略說故言前攝後非後攝前不攝者何謂不定業無記業無漏業

十八末

說一切有部發智大毗婆沙論卷第一百十四 匪四

刺拏下上郎達反 憍雉下直類制上於 捫你上音

西下乃抑反意力 羸劣垂上力採 樵下自炬音 涅音

熨下反 羅音 青紺下暗反 餞音 糜爛上音 醜音

二同敗反方 舌舐下神反 漱音 嚼音 約音 刮音 舌音

八音咸反 揩齒皆反 擘反補 搆牛古候反 掬音 白音

顛下音 俸反房用 嬪頻音 遽其去 歡娛下音 謙賞音

上於慙反 赦反板 健反女 馱下上其建反 膩反尼 羯刺音

下即慙反 達反 法反 搏食上音 遏反 部曇上音 葛反

閉尸此云 鍵南偃反 奢反 法日鉢羅五 六七 四七 肢七

阿毗達磨大毗婆沙論卷第一百十五 匪五

五百大阿羅漢等造 三藏法師玄奘奉 詔譯

業蘊第四中惡行納息第一之四

三業謂身語意業復有三業謂順樂受業順苦受業順不苦不樂受業問何故作此論答為欲分別契經義故如契經說順樂受等業

契經雖作是說而不廣辯廣說如前復有說者前雖分別身等三業而未分別順樂受等三業今欲分別故作斯論所說受名惣有五種一自性受二現前受三所緣受四相應受五異熟受自性受者如說三受謂樂受苦受不苦不樂受現前受者如大因緣法門經說

阿難當知受樂受時餘二受便滅應知如是所受樂受是無常苦滅壞之法離我我所如是苦受不苦不樂受應知亦尔所緣受者如識身論說眼色為緣生於眼識三和合故觸觸為緣故受當知此受能領受色非數取趣色是眼觸所生受緣非數取趣如是乃至意